

COVID - 19

ԳԻՈՐԳԻ ԳԱԽԱՐԻԱ. «ԿԱՐԵՎՈՐ Է՝ ԼԻՆԵՆԶԷՏԵՎՈՂԱԿԱՆ, ՀԱՎԱՍԱՐԱԿՈՒՄԸ, ՔԱՆԻ ՈՐ ՎԵՐՁՆԱԿԱՆ ՆՊԱՏԱԿԸ ՏՆՏԵՍՈՒԹՅԱՆ ԱՐԱԳ ՎԵՐԱԿԱՆԳՆՈՒՄՆ Է»

Հունվարի 26-ին, Վրաստանի վարչապետ Գիորգի Գախարիայի նախագահությամբ, անցկացվեց միջգերատեսչական համակարգող խորհրդի հերթական նիստը, որը քննարկեց երկրում կորոնավիրուսով պայմանավորված իրավիճակի, համավարակի կանխմանն ուղղված միջոցառումների իրականացման, հակակորոնավիրուսային պատվաստանյութի ներկրման, պատվաստման ազգային ծրագրի մշակման, ներդրված սահմանափակումների մեղմացման հետ առնչվող հարցեր:



Անդրադառնալով սահմանափակումների մեղմացման հարցին, Գիորգի Գախարիան հայտարարեց, որ երկրում դրական ցուցանիշի արժանագրումից անմիջապես հետո, երբ քաղաքում

եւ առանձին մարզերում գրանցվի չորս տոկոսից ցածր թիվ, կարգադրվի արդեն ներկայացրած բացման ծրագիրը:

Վարչապետի խոսքով, ամեն ինչ պետք է լինի հետեւողական ուշադրության ներքո, կշռադատված եւ փուլ առ փուլ, որի վերջնական նպատակը տնտեսության արագ վերականգնումն է:

(Հարուսակությունը՝ 6-րդ էջում)

ԷԿՈՆՈՄԻԿԱ

ՀԱՆԴԻՊՈՒՄՆԵՐ՝ ՍԱՀՄԱՆԱՓԱԿՈՒՄՆԵՐԻ ՓՈՒԼ ԱՌ ՓՈՒԼ ՎԵՐԱՑՄԱՆ ԾՐԱԳՐԻ ՇՈՒՐՋ

Վրաստանի վարչապետի հանձնարարությամբ կայացավ հանդիպում երկրի բիզնես ներկայացուցիչների հետ, որի ընթացքում քննարկվեցին սահմանափակումների աստիճանական վերացմանն առնչվող հարցեր, հանդիպումը գլխավորում էր առաջին փոխվարչապետ, տարածաշրջանային զարգացման եւ ենթակառուցների նախարար Սայա Ցքիտիշվիլին:

Ջրոսաշրջության, ռեստորանների եւ լեռնային հանգստավայրերի միությունների ներկայացուցիչների հետ հանդիպմանը, որին մասնակցեցին նաեւ կառավարության տնտեսական թիմի անդամներ, էկոնոմիկայի եւ կայուն զարգացման նախարար Նա-

թիա Թուրնալան, ֆինանսների նախարար Իվանե Մաճավարիանին, առողջապահության նախարար Էկատերինե Տիկարաձեն, ինչպես նաեւ հիվանդությունների վերահսկման ազգային կենտրոնի ղե-

(Հարուսակությունը՝ 2-րդ էջում)

ՎՐԱՍՏԱՆ - ԻՐԱՆ

ՕՐԱԿԱՐԳՈՒՄ ՏԱՐԱԾԱՇՐՋԱՆՈՒՄ ՍՏԵՂԾՎԱԾ ԻՐԱՎԻՃԱԿՆ ԷՐ

Հունվարի 28-ին, աշխատանքային այցով, Թբիլիսիում էր գտնվում Իրանի արտաքին գործերի (ԱԳ) նախարար Սոհանադ Ջավադ Ջարիֆը: Նա հանդիպումներ ունեցավ Վրաստանի նախագահ Սալոմե Ջուրաբիշվիլու, վարչապետ Գիորգի Գախարիայի, խորհրդարանի նախագահ Արչիլ Թալակվաձեի հետ: Նախքան Վրաստան այցելելը, Իրանի ԱԳ նախարարը աշխատանքային այցերով գտնվում էր Ադրբեջանում, Ռուսաստանում եւ Հայաստանում:

Վրաստանի վարչապետի եւ Իրանի ԱԳ նախարարի հանդիպմանը քննարկվել են իրադար-

ձությունների վերջին զարգացումների արդյունքում տարածաշրջանի իրավիճակը, երկ-

կողմ եւ տարածաշրջանային հարաբերություններին վերաբե-

(Հարուսակությունը՝ 2-րդ էջում)

«ՎՐԱՍՏԱՆԸ» 100 ՏԱՐԵԿԱՆ Է ԸՆՈՐՀԱՎՈՐԱՆՔՆԵՐԸ ՇԱՐՈՒՆԱԿՎՈՒՄ ԵՆ...



«Վրաստան» թերթին, պարբերականի գլխավոր խմբագիր պարոն Վան Բաթուրայանին, խմբագրության աշխատակիցներին, ինչպես նաեւ թերթի հավատարիմ ընթերցողներին շնորհավորում են «Վրաստանի» 100-ամյա հոբելյանի առիթով:

«Վրաստան» թերթը հիմնվել է 1920 թվականին: Անցած տարիների ընթացքում, իր ավանդույթներին հավատարիմ, թերթը արժանավոր տեղ զբաղեցրեց երկրի լրատվամիջոցների շարքում:

(Հարուսակությունը՝ 5-րդ էջում)

Թանկագին «վրաստանցիներ»

Ի սրտե շնորհավորում են մեր սիրելի «Վրաստանի» մեկդարյա հոբելյանը: Մեզ, ախալցխեցիներիս համար «Վրաստանը» ոչ միայն տեղեկատվության հուսալի աղբյուր է, այլեւ յուրատեսակ կամուրջ վիրահայ միջհամայնքային կապերի, վրաց հասարակությունում մեր համայնքի կրթական, մշակութային, ինչպես նաեւ քաղաքական ինտեգրման տեսանկյունից:



(Հարուսակությունը՝ 5-րդ էջում)

ՀԱՅԱՍՏԱՆ

ՀՈՒՆՎԱՐԻ 28-ԻՆ ՆՇՎԵՅ ՀԱՅԿԱԿԱՆ ԲԱՆԱԿԻ ԿԱԶՄԱՎՈՐՄԱՆ 29-ՐԴ ՏԱՐԵՂԱՐՉԸ

Հունվարի 28-ին Հայաստանը եւ աշխարհասփյուռ հայությունը նշեց Հայաստանի զինված ուժերի կազմավորման 29-րդ տարեդարձը:

Բանակի օրվա առթիվ Հայաստանի վարչապետ Նիկոլ Փաշինյանը, Ազգային ժողովի նախագահ Արարատ Միրզոյանը եւ Անվտանգության խորհրդի անդամները այցելեցին «Եռաբլուր» զինվորական պանթեոն՝ հարգանքի տուրք մատուցելու իրենց կյանքը Հայրենիքի անկախության համար զոհաբերած հայորդիների հիշատակին:



Վարչապետը ծաղիկներ խոնարհեց արցախյան պատերազմի հերոսների, Սպարապետ Վազգեն Սարգսյանի, Անդրանիկ Օզանյանի շիրիմներին:

Մեր եւ ծաղկեպսակ զոհված ազատամարտիկների հիշատակը հավերժացնող հուշահամալիրին: Բանակի օրվա կապակցությամբ՝ «Եռաբլուրում» ծաղիկներ խոնարհվեցին նաեւ Հայաստանի նախագահ Արմեն Սարգսյանի անունից:

ՎՐԱՍՏԱՆ - ՀԱՅԱՍՏԱՆ

ԴԱՎԻԹ ԶԱԿԱՆԻԱՆԻ-ԱՐԱ ԱՅՎԱԶՅԱՆ ՀԱՆԴԻՊՈՒՄԸ ԾԻՆԱՆՂԱՒՈՒՄ

ՀԱՅԱՍՏԱՆԻ ԱՐՏԱՔԻՆ ԳՈՐԾԵՐԻ (ԱԳ) ՆԱԽԱՐԱՐԻ ԱՇԽԱՏԱՆՔԱՅԻՆ ԱՅՑԸ ՎՐԱՍՏԱՆ

Հունվարի 22-ին, Հայաստանի արտաքին գործերի նախարար Արա Այվազյանը, աշխատանքային այցով, գտնվում էր Վրաստանում:



Վրաստանի փոխվարչապետ, արտաքին գործերի նախարար Դավիթ Ջալկալիանին, իր հայ գործընկերոջ հետ առաջին անգամ հանդիպեց Կախեթի տարածաշրջանի կենտրոն Թելավիից 10 կմ հեռավորությամբ գտնվող Վրաստանի նախագահի Ծինանդալիի ամառային նստավայրում:

Այս ճանաչողական բնույթի հանդիպմանը կողմնորոշվեցին երկկողմ հետաքրքրություններ կայացնող հարցերի լայն շրջանակ: Մասնավորապես, արտգործնախարարները խոսեցին Վրաստանի եւ Հայաստանի բա-

րդրացիական հարաբերությունների, համագործակցության ընթացիկ օրակարգի եւ հարաբերությունների հետագա խորացման հեռանկարների մասին: Հանդիպմանը Արա Այվազյանը Դավիթ Ջալկալիանուն նվիրեց «Միմինո» կինոնկարից Վախտանգ Կիկաբիձեի եւ Միկո Մկրտչյանի յուզաներկով պատկերված կտավը:

ՄԻՋԵԿԵԴԵՑԱԿԱՆ

ՎԻՐԱՀԱՅՈՑ ԹԵՄԸ ՄԱՍՆԱԿՑԵՑ ԷԿՈՒՄԵՆԻԿ ԱՂՈԹՔԻ

Համաճարակով պայմանավորված սահմանափակումները խոչընդոտ չհանդիսացան երկրի 4 քրիստոնեական դավանանքների մասնակցությամբ համատեղ միասնության աղոթք բարձրացնելու համար:

Էկումենիկ աղոթքը տարիներ շարունակ բարձրացվում է Հայ Առաքելական Սուրբ Եկեղեցու Վիրահայոց թեմի, Վրաստանում Հռոմեա-կաթոլիկ Եկեղեցու, Վրաստանում Ավետարանական-Լութերական Եկեղեցու եւ Վրաստանում Ավետարանական-մկրտական Եկեղեցու կողմից: Այս տարվա էկումենիկ աղոթքի կազմակերպիչն



(Հարուսակությունը՝ 2-րդ էջում)

ՎՐԱՍՏԱՆ - ԻՐԱՆ

ՕՐԱԿԱՐԳՈՒՄ ՏԱՐԱԾԱՆԵՐԶԱՆՈՒՄ ՍՏԵՂԾՎԱԾ ԻՐԱՎԻՃԱԿՆ ԷՐ

(Սկիզբը՝ 1-ին էջում)

րող հարցեր: Երկկողմ հարաբերությունների համատեքստում ընդգծվեց երկու երկրների առեւտրատնտեսական կապերի ամրապնդումը, երկրի տարանջման, տրանսպորտային հաղորդակցությունների ամրապնդումը եւ առկա ներուժի օգտագործումը, երկու երկրներում առկա համավարակային իրավիճակը եւ ապագա ծրագրերը:



Իրանի արտաքին գործերի նախարարը վերահաստատեց իր անասան աջակցությունը Վրաստանի տարածքային ամբողջականության եւ ինքնիշխանության հանդեպ:

Նշենք, որ Վրաստանի ԱԳ նախարար Դավիթ Ջալկալիանու հետ հանդիպումը չկայացավ վրացի դիվանագետի՝ կորոնավիրուսով վարակված լինելու պատճառով: Երկու նախարարների միջեւ կայացավ միայն հեռախոսազրույց:

ԷԿՈՆՈՄԻԿԱ

ՀԱՆԴԻՊՈՒՄՆԵՐ՝ ՍԱՀՄԱՆԱՓԱԿՈՒՄՆԵՐԻ ՓՈՒԼ ԱՌ ՓՈՒԼ ՎԵՐԱՑՄԱՆ ԾՐԱԳՐԻ ՇՈՒՋ

(Սկիզբը՝ 1-ին էջում)

կավար Ամիրան Գամդղելիձեն, աշխատանքային տեսչության պետ Բեքա Փերաձեն եւ բիզնես օմբուդսմենի պաշտոնակատար Նինո Կվենետաձեն, քննարկվեցին երկրում առկա սահմանափակումների աստիճանական վերացման ծրագիրը եւ կառավարության կողմից ձեռնարկված հետետեղական քայլերը, համավարակային իրավիճակի կտրուկ վատթարացումը կանխելու, իսկ մյուս կողմից՝ արագ վերականգնման ներուժը պահպանելու համար իրականացվելիք միջոցառումները:

Հանդիպմանը խոսվեց նույնպես 28-ից երկրում գործող կենտային սահմանափակումներ շնորհիվ գրանցված արդյունքներին:

յունքների մասին եւ նշվեց, որ մեղմացման յուրաքանչյուր քայլ պետք է արվի ուշադիր, հիմնված համավարակային իրավիճակի խիստ մոնիտորինգի վրա, որպեսզի վարակը կրկին կտրուկ չավելանա:

Մայա Ցքիտիշվիլու խոսքով, սահմանափակումները վերացնելու գործընթացում կառավարությունն առաջնորդվում է ինչպես քաղաքացիների առողջության, այնպես էլ՝ տնտեսության շահերով, ուստի, համապատասխան որոշումներ է կայացնում՝ հիմնվելով վարակի ցուցանիշից ելնելով, որը պետք է լինի 4 տոկոսից պակաս:

Իր հերթին, Հիվանդությունների վերահսկման ազգային կենտրոնի ղեկավար Ամիրան Գամդղելիձեն նշեց, որ, վեր-

ջին յոթ օրվա ընթացքում, երկրում մեղմացվել է 6-7 տոկոսի սահմաններում, ուստի ցանկացած լրացուցիչ մեղմացում ճիշտ չի լինի՝ մինչեւ ցուցանիշի կայունացում:


Հանդիպմանը քննարկվեցին նաեւ կորոնավիրուսի երկրորդ ալիքի պայմաններում հաստատված սահմանափակումների արդյունքում առաջացած բարդությունները:

Նշվեց, որ կառավարությունը տեղյակ է բիզնեսի առջեւ ծառացած մարտահրավերների մասին եւ ամեն ինչ անում է, որ ամառային տուրիստական սեզոնը չխաթարվի: Կա-



ռավարության տնտեսական թիմի անդամներն ընդգծեցին այն փաստը, որ յուրաքանչյուր որոշում կայացվում է ոչ թե իմպուլսիվ, այլ հաշվի առնելով տնտեսության վերականգնման երկարաժամկետ նպատակները, որպեսզի երկիրը կարողանա հաջողությամբ օգտագործել առաջացող հնարավորությունները, ներառյալ՝ համաշխարհային պատվաստումը, արագ տնտեսական տեսանկյունից:

ՄԻՍՈՆ ԿԻԼԱԶԵ



ԱՄՆ-ՌՈՒՍԱՍՏԱՆ ԱՌԱՋԻՆ ՀԵՌԱԽՈՍԱԶՐՈՒՅՑ՝ ՆԱԽԱԳԱՅԱԿԱՆ ԸՆՏՐՈՒԹՅՈՒՆՆԵՐԻՑ ՀԵՏՈ

Հունվարի 27-ին Ամերիկայի Միացյալ Նահանգների եւ Ռուսաստանի նախագահներ Ջո Բայդենի եւ Վլադիմիր Պուտինի միջեւ տեղի է ունեցել առաջին հեռախոսազրույցը ԱՄՆ-ում նախագահական ընտրություններից հետո:

Սպիտակ Տան տեղեկացմամբ, հեռախոսազրույցի ընթացքում Ջո Բայդենը ակնարկել է, որ ԱՄՆ-ը խիստ է գործելու սեփական ազգային շահերը պաշտպանելու համար՝ ի պատասխան Ռուսաստանի գործողություններին, որոնք վնասում են ԱՄՆ-ին կամ նրա դաշնակիցներին:

Երկու երկրների նախագահները պայմանավորվել են պահպանել թափանցիկ եւ մշտական շփումը:

ԴՈՒՍԱԴ ԹՐԱՄՓԻ ԴԵՄ ԻՄՊԻԶՄԵՆՏԻ ԳՈՐԾԸՆԹԱՑԸ ԿԶԱՆՈՂՎԻ

Ամերիկայի Միացյալ Նահանգների նախագահ Ջո Բայդենը գտնում է, որ Դոնալդ Թրամփի նկատմամբ իմպիչմենթի գործընթացը կծախողվի:

Նրա խոսքով, ինքը սատարում է Դոնալդ Թրամփի իմպիչմենթին, չնայած ենթադրում է, որ նրանք չեն կարողանա բավարար ծայրեր հավաքել Կոնգրեսում: Որպեսզի իմպիչմենթի գործընթացը հաջող անցնի, անհրաժեշտ է հավաքել ծայրերի երկու երրորդը: Բայդենը կարծում է, որ դա քիչ հավանական է:

ԻՏԱԼԻԱ

ԿԱՌԱՎԱՐՈՒԹՅՈՒՆ ԶՐԱԺԱՐԱԿԱՆ Է ՏՎԵԼ

Իտալիայի վարչապետ Ջուզեպպե Կոնտեն պաշտոնաթողության դիմում է ներկայացրել նախագահ Սերջո Մատարելլային: Պետության ղեկավարը ժամանակ է վերցրել որոշում ընդունելու համար եւ կառավարությանն առաջարկել է կատարել իր ընթացիկ պարտականությունները: Կոնտեի եւ Մատարելլայի զրույցը շարունակվել է մոտավորապես կես ժամ:

ՄԻՋԵԿԵԴԵՑԱԿԱՆ

ՎԻՐԱՀԱՅՈՑ ԹԵՄԸ ՄԱՍՆԱԿՑԵՑ ԷԿՈՒՄԵՆԻԿ ԱՂՈԹՔԻ

(Սկիզբը՝ 1-ին էջում)

եր Վրաստանում Ավետարանական-լութերական եկեղեցին:

2021 թվականի հունվարի 22-ին Էկումենիկ աղոթքը հնչեց Թբիլիսիի Սուրբ Պողոս-Պետրոս լուծարական եկեղեցում:

Էկումենիկ աղոթքին ներկա էին Վիրահայոց թեմի առաջնորդ Տեր Կիրակոս վարդապետ Դավթյանը, Անդրկով-

կասի լատինական կաթոլիկների առաքելական վարչության առաջնորդ Ջուզեպպե Եպիսկոպոս Պազոտտոն, Վրաստանում Ավետարանական-մկրտական եկեղեցու Եպիսկոպոսներ Իլյա Օսեփաշվիլին եւ Ռուսուդան Գոցիրիձեն, Վրաստանում Ավետարանական-լուծարական եկեղեցու առաջնորդ Մարկուս Եպիսկոպոս Շոխը, տարբեր եկեղեցիների հոգևոր սպասավորներ:

Աղոթքի ծիսական արարողությանը մասնակցեցին նաեւ Վիրահայոց թեմի Ռուսթավիի «Սբ. Գրիգոր Նարեկացի» հոգևոր, կրթամշակութային կենտրոնի ղեկավար Տեր Նարեկ քահանա Դուշչյանը, սարկավազ Գիորգի Աբրամյանը:

Էկումենիկ աղոթքն անցավ տաճարում հավատացյալների սահմանափակ թվով եւ օնլայն հեռարձակմամբ:

ՆԴԻ-Ի ՀԱՐՑՈՒՄԸ

ԲՆԱԿԶՈՒԹՅՈՒՆԸ ՇԱՐՈՒՆԱԿՈՒՄ Է ՎՍՏԱՅԵԼ «ՎՐԱՑԱԿԱՆ ԵՐԱՋԱՆՔԻՆ», ԵՐԿՐԻ ԿԱՌԱՎԱՐՈՒԹՅԱՆՆ ՈՒ ՎԱՐՉԱՊԵՏԻՆ

Հունվարի 25-ին Ամերիկայի Միացյալ Նահանգների Ազգային Ժողովրդավարական ինստիտուտը՝ NDI, հրապարակեց ղեկտեմբերի 17-24-ի հեռախոսային հարցումների արդյունքները, որոնք վերաբերում էին երկրի բնակչությանը հուզող ամենահարատապ հարցերին: Հետազոտությունը ներառում է Վրաստանի քաղաքականությանը, տնտեսական եւ առողջապահական համավարակի դեմ պայքարին եւ այլ ոլորտներին առնչվող հարցեր:

«ՎՐԱՑԱԿԱՆ ԵՐԱՋԱՆՔԸ» ՊԱՅՊԱՆՈՒՄ Ե ԲԱՐՁՐ ՎԱՐԿԱՆԻՇԸ

Երկրում գործող կուսակցությունների վարկանիշի, դրանց ցուցաբերվող աջակցության մասին հարցին, ըստ NDI-ի հարցման, կառավարող «Վրացական երազանքը» պահպանում է առաջատարի վարկանիշը՝ նրան աջակցում է հարցման ենթարկվածների 31 տոկոսը: Տոկոսային առումով հաջորդ կուսակցությունը՝ «Ազգային շարժումը», որին աջակցության պատրաստակամություն է հայտնել հարցման ենթարկվածների ընդամենը 5 տոկոսը եւ սա այն դեպքում, որ հարցման ենթարկվածների 25 տոկոսը ոչ մի կուսակցությանը չի աջակցել, իսկ 24 տոկոսը՝ ընդհանրապես հրաժարվել է պատասխանել այդ հարցին:

ԳԻՈՐԳԻ ԳԱՆԱՐԻԱՆ ՕԳՏՎՈՒՄ Է 78 ՏՈԿՈՍԻ ԱՋԱԿՑՈՒԹՅՈՒՆԻՑ

NDI-ի հարցումը ցույց տվեց, որ երկրի վարչապետ Գիորգի Գախարիան շարունակում է օգտվել երկրի բնակչության ճնշող մեծամասնության աջակցությունից: Հարցման արդյունքներով, վարչապետի պաշտոնում Գիորգի Գախարիայի գործունեությունը հարցման ենթարկվածների 18 տոկոսը գնահատում է շատ լավ, 28 տոկոսը՝ լավ, 32 տոկոսը՝ միջին եւ միայն 17 տոկոսը (այստեղից՝

13 տոկոսը վատ, 4 տոկոսը՝ շատ վատ) բացասաբար է գնահատել վարչապետի գործունեությունը:

Բարձր է գնահատվել նաեւ կառավարության գործունեությունը: Հարցման ենթարկվածների 50 տոկոսը այն գնահատել է լավ, 38 տոկոսը՝ վատ, 11 տոկոսը այդ հարցին չի կարողացել պատասխանել:

Ի տարբերություն կառավարության, հարցման ենթարկվածների միայն մեկ տոկոսն է խորհրդարանի աշխատանքը գնահատել շատ լավ, 14 տոկոսը՝ լավ, 36 տոկոսը՝ միջին, 36 տոկոսը՝ վատ, 7 տոկոսը՝ շատ վատ:

ԲՆԱԿԶՈՒԹՅԱՆԸ ՀՈՒՋՈՂ ԱՋԱԿՑԻՆ ԳԼԽԱՎՈՐ ՀԻՄՆԱԽՆԴԻՐԸ ԱՇԽԱՏԱՏԵՂԵՐՆ ԵՆ

Հարցման արդյունքներով, բնակչությանը հուզող հիմնախնդիրների հերթականությունը հետելյալն է՝ աշխատատեղեր, աղքատություն, զնաճ, տարածքային ամբողջականություն եւ կորոնավիրուսի համավարակ:

ՆԱՏՕ-ԻՆ ԵՎ ԵՎՐԱՄԻՈՒԹՅԱՆՆ ԱՆԴԱՄԱԿՑՈՒԹՅՈՒՆԸ ԿՐԿԻՆ ԱՌԱՋՆԱՅԻՆ Է

Հատկանշական է, որ NDI-ի անցկացրած հերթական հարցումը կրկին հաստատեց Վրաստանի բնակչության համար ՆԱՏՕ-ին եւ Եվրամիությանն անդամակցելու առաջնայնությունը: Ներկայիս հարցման արդյունքներ-

րով, հյուսիսատլանտյան ալյանսին անդամակցության կողմնակից է բնակչության 74 տոկոսը, իսկ 80 տոկոսը պաշտպանում է Եվրամիության անդամակցությունը:

ՈՐՔԱՆՈՎ ԵՆ ԱՐԴՅՈՒՆԱՎԵՑ ԿՈՐՈՆԱՎԻՐՈՒՄԻ ԴԵՄ ԶԵՆՆԱՐԿՎԱԾ ՄԻՋՈՑԱՌՈՒՄՆԵՐԸ

NDI-ի հարցման արդյունքներով, երկրի բնակչության 60 տոկոսի կարծիքով, կորոնավիրուսի դեմ կառավարության ձեռնարկած միջոցառումները արդարացված են, 33 տոկոսը գտնում է, որ տարվող քաղաքականությունը սխալ է, 7 տոկոսը՝ դժվարանում է պատասխանել:

ԿՈՒՍԱԿՑՈՒԹՅՈՒՆՆԵՐԸ ՊԵՏՔ Է ՄԱՍՆԱԿՑԵՆ ԽՈՐՀՐԴԱՐԱՆԻ ԱՇԽԱՏԱՆՔԻՆ

NDI-ի նոր հարցումը կրկին հաստատեց երկրի բնակչության գրեթե միասնական կարծիքն այն մասին, որ գործող բոլոր կուսակցությունները պետք է գործեն ժողովրդի շահերից ելնելով, համագործակցեն եւ, ամենակարեւորը, հարգեն մարդկանց ընտրությունը, մտնեն խորհրդարան եւ համատեղ աշխատեն: Դրական պատասխան է տվել հարցման ենթարկվածների 80 տոկոսը:



Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԿՈՒՍԱԿՑԱԿԱՆ

ԿԱՌՈՒՅՎԱԾՔԱՅԻՆ ՓՈՓՈԽՈՒԹՅՈՒՆՆԵՐ՝ «ՎՐԱՅԱԿԱՆ ԵՐԱՉԱՆՔԻ» ՔԱՐՏՈՒՐԱՐՈՒԹՅՈՒՆՈՒՄ

Ինչպես արդեն հաղորդել ենք, հունվարի 16-ին անցկացվեց «Վրացական երազանք-ժողովրդավարական Վրաստան» կուսակցության 6-րդ համագումարը, որը քաղաքականությունից հեռացած Բիծինա Իվանիշվիլու փոխարեն կուսակցության նախագահ ընտրեց Իրակլի Կոբախիձեն: Համագումարը հաստատեց նաեւ կուսակցության 21 անդամներից կազմված քաղաքական խորհուրդը (խորհրդի կազմը հրապարակվել է «Վրաստանի» նախորդ համարում):

Իսկ հունվարի 24-ին «Վրացական երազանք» կուսակցության քաղաքական խորհուրդն ընդունեց որոշում՝ կառուցվածքային փոփոխության մասին եւ, ի տարբերություն նախորդ տարիների, չեղարկեց քաղաքական կուսակցությունների հետ հարաբերությունների քարտուղարի պաշտոնը, որը զբաղեցնում էր Գիորգի Վոլսկին:

Ներկա դրությամբ, «Վրացական երազանքի» քաղաքա-

կան խորհրդի որոշմամբ, կուսակցության քարտուղարությունն ունի հետեւյալ կառուցվածքը՝ Իրակլի Կոբախիձե՝ նախագահ, Կախա Կալաձե՝ գլխավոր քարտուղար, Իրակլի Ղարիբաշվիլի՝ քաղաքական քարտուղար, Մամուկա Մդինարաձե՝ գործադիր քարտուղար, Կախա Կուճավա՝ միջազգային քարտուղար, Դիմիտրի Սամխարաձե՝ տարածաշրջանային քարտուղար:

ՍՏՈՐԱԳՐԱՅԱԿԱՔ



ՈՐՔԱՆՈՎ ԵՆ ԿՈՎԻԴ ՍԱՐՄԱՆԱՓԱԿՈՒՄՆԵՐԸ ՀԱԿԱԴՐՎՈՒՄ ԵՐԿՐԻ ՍԱՐՄԱՆԱԴՐՈՒԹՅԱՆԸ ՍԿՍԿԵԼ Է ՍՏՈՐԱԳՐԱՅԱԿԱՔ ԹԲԻԼԻՍԻՈՒՄ

Ոչ կառավարական «Ազատության ինստիտուտ» կազմակերպությունը, համավարակով պայմանավորված կառավարության գործարկած սահմանափակումների հարցով, պատրաստում է «Վրաստանի ժողովուրդը՝ Վրաստանի կառավարության դեմ» կոլեկտիվ հայցի մշակման շուրջ: Այն ներկայացվելու է երկրի Սահմանադրական դատարանին:

Այդ նպատակով, անցած շաբաթվա ընթացքում երկրի կառավարության գրասենյակի մոտ անցկացված մարդահավաքներին կազմակերպությունը սկսեց ստորագրահավաք:

Ինչպես մշեցին ոչ կառավարական կազմակերպությունում, կառավարության գործարկած սահմանափակումները սահմանափակում են ինչպես ձեռներեցների ազատությունը, այնպես էլ՝ սեփականության իրավունքը եւ, հետեւաբար, դա

կերդաքարկվի: Եվ քանի որ խորհրդարանը հրաժարվեց ընդհանրապես մասնակցել այդ հարցի քննարկմանը, իրենք ստիպված են դիմել Սահմանադրական դատարանին:

Որքանով են գործող սահմանափակումները հակադրվում երկրի սահմանադրությանը եւ որքանով է հեռանկարային Սահմանադրական դատարանի կողմից մեծ հայցի քննարկումը:

Մեզ հետ զրույցում, կոնստիտուցիո-

նալիստ, Վրաստանի Սահմանադրական դատարանի նախկին նախագահ Ավթանդիլ Դեմետրաշվիլին ասաց, որ այս պարագայում վճռորոշը երկրի կառավարության փաստարկներն են, թե կառավարությունը ինչով է հիմնավորում այս կամ այն կոնկրետ սահմանափակումը կամ արգելքը: Ինչ վերաբերում է Սահմանադրական դատարան ներկայացվող հայցին, ապա, Դեմետրաշվիլու համոզմամբ, դրա քննարկումը հնարավոր է, ձգձգվի:

ԵՎՐԱՍԽՈՐՀՈՒՐԴ

ԻՐԱԿԼԻ ԿՈԲԱՔԻՁԵՆ ՎԵՐԸՆՏՐՎԵՑ ԵՎՐԱՍԽՈՐՀՐԴԻ ԽՈՐՀՐԴԱՐԱՆԱԿԱՆ ՎԵՂԱԺՈՂՈՎԻ ՓՈԽՆԱԽԱԳԱՆ

Վրաստանի խորհրդարանական պատվիրակությունը, խորհրդարանական մեծամասնության ղեկավար «Վրացական երազանք» կուսակցության նախագահ Իրակլի Կոբախիձեի գլխավորությամբ, Ստրասբուրգում մասնակցեց Եվրախորհրդի խորհրդարանական վեհաժողովի ծննդային նստաշրջանին: Նիստի ընթացքում Իրակլի Կոբախիձեն վերընտրվեց փոխնախագահի պաշտոնում եւ որպես փոխնախագահ վարեց վեհաժողովի ծննդային նստաշրջանի լիազումար նիստը:

Նստաշրջանի շրջանակներում, «Վրացական երազանքի» նախագահը Ստրասբուրգում ունեցավ երկկողմ հանդիպումներ: Մասնավորապես, Իրակլի Կոբախիձեն հանդիպեց Եվրոպայի խորհրդի խորհրդարանական վեհաժողովի վերընտրված նախագահ Ռիկ Դայմսի, խորհրդի գլխավոր քարտու-

ղար Մարիա Պենչինովիչ Բուրիշի, Մարդու իրավունքների եվրոպական հանձնակատար Դուրիա Միլա-տովիչի հետ:



ԴԻՐՔՈՐՈՇՈՒՄ

ՎՐԱՍՏԱՆԸ ՕԿՈՒՊԱՆՏ ԵՐԿՐԻ ՇԵՏ ԶԻ ՄԱՍՆԱԿՅԻ ԽԱՂԱՂԱՐԱՐ ՀԱՐԹԱԿՆԵՐԻՆ

«Վրաստանը չի մասնակցի այն խաղաղարար հարթակներին, որին մասնակցում է Վրաստանի տարածքների օկուպանտ երկիրը»,- հայտարարել է Վրաստանի փոխարտգործնախարար Ալեքսանդր Խվիխիաշվիլին՝ ի պատասխան Ռուսաստանի արտաքին գործերի նախարարի հայտարարության:

Խոսքը ռուսական լրատվամիջոցներում տարածված Սերգեյ Լավրովի հայտարարության մասին է, որի համաձայն՝ «Ռուսաստանը ողջունում է Իրանի, Թուրքիայի, Վրաստանի եւ Եվրոպական մի շարք երկրների ձգտումները, մասնակցել Լեռնային Ղարաբաղի տնտեսության վերականգնմանը: Արդեն խոսվում է այն նախաձեռնությունների

մասին, ըստ որոնց Ադրբեյջանը, Հայաստանը եւ Վրաստանը, Ռուսաստանի, Իրանի եւ Թուրքիայի մասնակցությամբ, փորձում են հարաբերություններ հաստատել տարածաշրջանում՝ հաշվի առնելով նոր իրողությունը»:

Եվ սակայն, Վրաստանի արտգործնախարարն ի պատասխան հայտարարության մեջ մշեց, որ մեծ նախաձեռնու-

թյունը խոստումնալից չի լինի, քանի դեռ Ռուսաստանի կողմից համապատասխան քայլեր չեն ձեռնարկվել ապաքննազավթման ուղղությամբ:

«Ինչպես գիտեք, Վրաստանը հանդես եկավ այս նախաձեռնությամբ, երբ սրվել էր Ադրբեյջանի եւ Հայաստանի միջեւ զինված հակամարտությունը, իսկ ինչ վերաբերում է երեկ հայտարարված լայն, տարածաշրջանային խաղաղության հարթակին, ապա տվյալ պարագայում Վրաստանը չի ներգրավվի այնտեղ, ուր մասնակցում է Վրաստանի տարածքները բռնազավթած երկիրը»:

ՈՂԲԵՐԳՈՒԹՅՈՒՆ

ԻՆՔՆԱՍՊԱՆՈՒԹՅՈՒՆ ԱՆԱԼՔԱԼԱՔԻՈՒՄ

Հունվարի 27-ին, առավոտյան, մոտ ժամը 10:00-ին, Ախալքալաքիի նախկին զինվորական ավանդ քաղաքին կապող հետիոտն կամրջից նետվել է տեղի դպրոցներից մեկի ուսուցչուհի, 50 ամյա Ալինա Խոդիկյան-Մկոյանը:


Ականատեսները զանգել են ոստիկանություն: Մինչեւ ոստիկանների եւ շտապ օգնության բրիգադի ժամանելը, կինը ար-

դեն մահացած էր:

Ալինա Խոդիկյան-Մկոյանը, տեղի գործարար Մարտունի Մկոյանի կինն էր:

Սույն փաստով հարուցվել է գործ՝ Վրաստանի քրեական օրենսգրքի 115 (ինքնասպանության հասցնելու) հոդվածով:

«Վրաստան» թերթի խմբագրությունը իր խորին վշտակցությունն է հայտնում Ալինա Խոդիկյան-Մկոյանի ողբերգական մահվան կապակցությամբ եւ ցավակցում հարազատներին ու մերձավորներին:



ՀԱՐԳԱՆՔԻ ՏՈՒՐԹ՝ ՀՈԼՈՔՈՍԻ ԶՈՐԵՐԻ ՀԻՇԱՏԱԿԻՆ



Հունվարի 27-ին, Հոլոքոստի հիշատակին նվիրված օրվա կապակցությամբ, Վրաստանի նախագահի նստավայրում անցկացվեց հատուկ միջոցառում: Արարողությանը ներկա էին Վրաստանի նախագահ Սալոմե Զուրաբիշվիլին, խորհրդարանի նախագահ Արչիլ Թալակվաձեն, Թբիլիսիի քաղաքապետ Կախա Կալաձեն, Վրաստանում Իսրայելի հյուպատոս Սմադար Ցեմախ-Ռացաբը: Հյուպատոսը շնորհակալություն հայտնեց այս արարողությունը անցկացնելու համար, եւ ընդգծեց, թե որքան կարեւոր է ամբողջ աշխարհի համար, չմոռանալ մարդկային այս ողբերգությունը եւ, որ այսօրվա օրը դրա պաշտույցն է:

ԱԶԳԱՅԻՆ ԹԱՏՐՈՆԻ ԿԱՐԳԱՎԻՃԱԿ՝ ՌՈՒՍԹԱՎԵԼԻ ԱՆՎԱՆ ՊԵՏԱԿԱՆ ԹԱՏՐՈՆԻՆ

Վրաստանի կրթության, գիտության, մշակույթի եւ սպորտի նախարարի հրամանով, Շոթա Ռուսթավելիի անվան պետական դրամատիկական թատրոնին շնորհվել է ազգային թատրոնի կարգավիճակ:

«Այսուհետ թատրոնի անվանումը կլինի՝ Շոթա Ռուսթավելիի անվան ազգային թատրոն»,- մշված է Ռուսթավելիի թատրոնի ֆեյսբուքյան էջում:

ԴԱՎԻԹ ԳԱՐԵՋԻԻ ԳՈՐԾՈՎ ՄԵՂԱԴՐՅԱԼՆԵՐԸ ԳՐԱՎԻ ԴԻՍԱՑ ԱԶԱՏ ԵՆ ԱՐՁԱԿԵԼ

Հունվարի 28-ին Դավիթ Գարեջիի գործով մեղադրյալներ Իվերի Մելաշվիլին եւ Նատալյա Իլիշովան ազատվել են գրավի դիմաց: Գրավի չափը յուրաքանչյուրի համար կազմել է 20 000 լարի:

Մելաշվիլու եւ Իլիշովայի խափանման միջոցի միջնորդությամբ դատարանին դիմել էր դատախազությունը:

Դավիթ Գարեջիի գործով դատախազությունը հոկտեմբերի 7-ին ձերբակալել էր Վրաստանի արտաքին գործերի նախարարության աշխատակից Իվերի Մելաշվիլուն եւ ներքին գործերի նախարարության աշխատակից, Նատալյա Իլիշովային: Նրանք մեղադրվում են Վրաստանի տարածքների դեմ գործելու մեջ:

ԲԱՆՏԵՐՈՒՄ ՓԵՏՐՎԱՐԻ 1-ԻՑ ԿԱՐՃԱԺԱՄԿԵՏ ԺԱՄԱԴՐՈՒԹՅԱՆ ԻՐԱՎՈՒՆՔԸ ՎԵՐԱԿԱՆԳՆՎՈՒՄ Է

Հատուկ քրեակատարողական ծառայության հայտարարությամբ, քրեակատարողական հիմնարկներում գտնվող մեղադրյալների /դատապարտյալների համար, բանտարկության օրենսգրքով նախատեսված կարճաժամկետ տեսակցությունների իրավունքը կվերականգնվի սույն թվականի փետրվարի 1-ից:

ԽՈՐՀՐԴԱՐԱՆ

ԻՆՉ ՏԵՂԻ ԿՈՒՆԵՆԱ ՓԵՏՐՎԱՐԻ 2-ԻՅ ՀԵՏՈ, ԵՐԲ ԸՆԴՊԻՄԱԴԻՐ ՊԱՏՈՒԹՅՈՒՆՆԵՐԻ ԻՐԱՎԱՍՈՒԹՅՈՒՆՆԵՐԸ ԶԵՂԱՐԿՎԵՆ

Ինչպես արդեն հաղորդել ենք, Վրաստանի 10-րդ գումարման խորհրդարանի՝ հոկտեմբերի 31-ին անցկացված ընտրությունների արդյունքներով, մեկ տոկոսի ընտրաշենքը հաղթահարել էին ութ կուսակցություններ եւ մեկ ընտրադաշինք, թեպետ նորընտիր խորհրդարանի բացմանը ներկա էին միայն ընտրությունների արդյունքներով մեծամասնությունը նվաճած «Վրացական երազանքը» ներկայացնող 90 պատգամավորներ: Ընդդիմության 60 ներկայացուցիչ սակայն բոլորտ հայտարարեց խորհրդարանին:

Ավելին, առանձին ընդդիմադիր պատգամավորներ հայց ներկայացրին պատգամավորական իրենց լիազորությունները չեղարկելու վրաբերյալ: Չարկ է նշել, որ խորհրդարան մտնել-չմտնելու հարցով ընդդիմության ճամբարում միասնություն չկա, առանձին կուսակցություններ, մասնավորապես, «Չայրենասերների ալյանսը», «Գիրչին» «Քաղաքացիները» գտնում են, որ իրենք պետք է մտնեն խորհրդարան եւ պատգամավորական մանդատը, ինչպես նաեւ խորհրդարանական ամբիոնն օգտագործեն ընտրական օրենսգրքի փոփոխման, ժողովրդավարական ընտրահամակարգի հաստատման եւ, ընդհանրապես, երկրի քաղաքական կյանքում առավել նշանակալի ակտիվություն ցուցաբերելու համար:

Ընդդիմության կողմից խորհրդարան մտնել-չմտնելու հարցի քննարկումները շարունակվում են, թեեւ ակնհայտ է, որ նման իրավիճակը երկար շարունակվել չի կարող: Խորհրդարանական մեծամասնությունը ընդդիմության մանդատների չեղարկման ընթացակարգի ժամկետը երկարացրեց, այն հուլիսով, որ ընդդիմությունը, ի վերջո, կկարողանա ընդունել կոնկրետ որոշում: Խորհրդարանում հարցի քննարկման վերջնաժամկետը փետրվարի 2-ին է:

Այսպիսով, ընդդիմությունը մինչեւ փետրվարի 2-ը պետք է վերջնականապես հստակեցնի իր դիրքորոշումը, հակառակ դեպքում, խորհրդարանի լիազումար միստին կքննարկվի 60 ընդդիմադիր մանդատներից 51-ի չեղարկման հարցը (9-ը ներկայացնում են «Չայրենասերների ալյանսը», «Գիրչին» եւ «Քաղաքացիները»):

Մեզ հետ զրուցելիս՝ «Վրացական երազանք» կուսակցության գործադիր քարտուղար Մամուկա Մոխնարաձեն հայտարարեց, որ խորհրդարանական մեծամասնությունը հատուկ հնարավորինս ձգձգեց խորհրդարան մտնելուց հրաժարվող ընդ-

դիմադիր պատգամավորների իրավասությունների չեղարկման քննարկումը:

Ինչ վերաբերում է ընդդիմությանը, ապա,



նրանց հայտարարությամբ, իրենց պատգամավորական իրավասությունների չեղարկումից հետո, քաղաքական գործընթացները դուրս կգան խորհրդարանից եւ խորհրդատվություններ կանցկացնեն ընդդիմության հետագա գործողությունների ծրագրով: Անդրադառնալով, «Վրացական երազանքի» հետ, Վրաստանում Եվրամիության երկրների եւ ԱՄՆ դեսպանության միջնորդությամբ տարվող բանակցությունների հարցին, ընդդիմությունում նշեցին, որ բանակցային անցած չորս փուլերը, ցավոք, ոչ մի արդյունքի չհանգեցին, իսկ այժմ ծրագրված հինգերորդ հանդիպմանը կառավարող թիմը պետք է ներկայացնի իրավիճակի կարգավորման կոնկրետ առաջարկություն, հակառակ դեպքում, հանդիպումը կլինի անիմաստ:

- Հինգերորդ հանդիպման կապակցությամբ որեւէ սպասելիք չունենք: - Ինչ վերաբերում է մանդատների չեղարկման համար արտակարգ մատչելի գումարմանը, ապա դա լավ է, քանի որ վերջնականապես բոլոր հարցականները կվերացվեն: Բնականաբար, դրանից հետո երկրում վերջնականապես կծեւավորվի միակուսակցական խորհրդարան եւ դրանից

հետո քաղաքական գործընթացներն ու քաղաքական ողջ ծանրաբեռնվածությունը խորհրդարանից դուրս կգա,- ասաց «Միասնական ազգային շարժման» անդամ Ջաալ Ուրումաշվիլին:

Ի պատասխան ընդդիմության այդ հայտարարությանը, Մամուկա Մոխնարաձեն նշեց, հենց որ ընդդիմությունը փորձի ոչ քաղաքական շարժառիթներով փողոց դուրս եկած մարդկանց օգտագործի իր շահերի համար, ապա հասարակությունը անմիջապես նրանից կառանձնանա:

- Բնակչությունը դեմ է նրան, արմատական ընդդիմությունը կանգնի իշխանության գլուխ եւ կրկին սկսվի շարժում փակ շրջագծով: Ընդդիմությունը բնակչությանը չի կարող ապացուցել, որ իշխանությունից ավելի լավ կգործի, հետեւաբար, արմատական ընդդիմությանը վիճակված չէ կյանքի կոչվել,- ընդգծեց Մամուկա Մոխնարաձեն:

Կոնստիտուցիոնալիստ Վախթանգ Չաբիրաձեն մեզ հետ զրույցում նշեց, եթե ընդդիմադիր պատգամավորներն իրավասությունների չեղարկման հարցը խորհրդարանում տապալվի, ապա հարցը կորվի կրկնական քվեարկության, թեպետ նման խուսանալումները քաղաքականապես կվնասեն «Երազանքին», քանի որ կծագի ընդդիմադիր պատգամավորների պահանջների բավարարման հարց:

Բնականաբար, դեռեւս հայտնի չէ, թե փետրվարի 2-ից հետո խորհրդարանը, ինչ որոշում կընդունի ընդդիմադիր պատգամավորների մանդատների չեղարկման հարցով, թեպետ մեծամասնությունում չեն բացառում, որ պատգամավորական իրավասությունների չեղարկման հարցով անցկացվի ազատ քվեարկություն, իսկ դա նշանակում է, որ խորհրդարանի անդամները որոշումը ընդունելու են անհատական, ելնելով անձնական դիրքորոշումից:

Ավելացնենք, որ խորհրդարանական ընթացակարգի համաձայն, խորհրդարանի պատգամավորների մանդատով նախատեսված իրավասությունների չեղարկման համար, անհրաժեշտ է խորհրդարանի անդամների ընդհանուր կազմի 50 տոկոս գումարած 1, այսինքն՝ 76 պատգամավորի համաձայնություն:

ԱՐԵՎԻԿԱ ՄԱՆՈՒԿՅԱՆ

ԸՆԹԱՆԱԿԱՐԳԱՅԻՆ ՀԱՐՅԵՐԻ ՀԱՆՁՆԱԺՈՂՈՎԸ ԱՅՍԿՅԵՆ ԵՄ ԸՆԴՊԻՄԱԴԻՐ ՊԱՏՈՒԹՅՈՒՆՆԵՐԻ ԻՐԱՎԱՍՈՒԹՅՈՒՆՆԵՐԻ ԶԵՂԱՐԿՄԱՆԸ

Վրաստանի խորհրդարանի ընթացակարգային հարցերի հանձնաժողովը աշակցել է 51 ընդդիմադիր պատգամավորների պատգամավորական մանդատի դադարեցման հարցին:

Հանձնաժողովի նախագահ Իրակլի Քաղազիշվիլին, հանձնաժողովի նիստում, հայտարարել է, որ ստուգվել է դիմումների իսկությունը, որից հետո որոշումը կուղարկվի բյուրոյին, իսկ փետրվարի 2-ին այն կորվի լիազումար միստի օրակարգում:

Հանձնաժողովի նիստում պատգամավորական մանդատների չեղարկման աշակցություն է ընդունվել «Միասնական ազգային շարժում» - միացյալ ընդդիմություն» ընտրադաշինքի, «Եվրոպական Վրաստան», «Լեյո», «Ռազմավարությունը» շինարար», «Լեյբորիստական» կուսակցությունների ընտրացուցակներով անցած խորհրդարանի պատգամավորների հարցով:

ԸՆԴՈՒՆՎԵՑԻՆ ԽՈՐՀՐԴԱՐԱՆԱԿԱՆ ԿԱՆՈՆԱԿԱՐԳԻ ՓՈՓՈԽՈՒԹՅՈՒՆՆԵՐԸ

Վրաստանի խորհրդարանը 78 ծայրով, երրորդ ընթերցմամբ ընդունեց կանոնակարգում կատարվելիք փոփոխությունները, որոնք գործում են ոչ խմբակցական պատգամավորների համար:

Ծրագրում ամրագրված է, որ ոչ խմբակցական պատգամավորները կկարողանան առաջադրել փոխխոսնակներին եւ կոմիտեների նախագահների տեղակալներին: Բացի այդ, ընդգրկված է նրանց մասնակցությունը խորհրդարանական քննարկումներին, հարցապնդմանը, առաջին եւ երկրորդ ընթերցումներին՝ 15 րոպեանոց ելույթներով:

Փոփոխություններն արտացոլված են կանոնակարգի անցումային դրույթներում: Նոր նորմերը կգործեն մինիայն 10-րդ գումարման խորհրդարանում:

ԴԵՊԻ ԵՐԱՋԱՆԵ



Համավարակով պայմանավորված այսօր ամբողջ աշխարհը ծանր հոգեվիճակ է ապրում, որ բխում է ոչ միայն տնտեսական ու կենցաղային դժվարություններից, այլեւ բարի լուրին կարոտ մնալու համաճարմից: Ու եթե հանկարծ նման մի լուսավոր կետ հայտնվում է, ապա, կարծում են, մենք անմիջապես այն իրար մեջ կիսելու անհրաժեշտություն պետք է ունենանք: Իմ լուսավոր կետն այս պարագայում աստվածամոր աչքերով, գեղեցիկ ու ամոթխած Թագուհի Սահակյանն է:

Թագուհին ծնվել է մեծացել է Վրաստանի Ասպինձայի մունիցիպալիտետի գեղատեսիլ Դամալա գյուղի համեստ աշխատավորի ընտանիքում: 2020-ին ավարտել է գյուղի միջնակարգ դպրոցը, Ոսկե մեդալով: Մինչեւ 9-րդ դասարան երազել է բժիշկ դառնալ...

Սակայն 10-րդ դասարանում սովորելու ընթացքում ստացվում է այնպես, որ դպրոցի տնօրեն տիկին Նելլի Դուդուկչյանը կանչում է Թագուհուն եւ հայտնում, որ պետք է մասնակցի «Իմ Եվրոպա» մրցույթին՝ ներկայացնելով ոչ միայն դպրոցը, այլ ամբողջ Վրաստանը:

Անսպասելի լուրը հանկարծակիի է բերում նրան: Այսօր Թագուհին անկեղծ խոստովանում է, որ նույնիսկ ցանկացել էր հրաժարվել: Բայց տնօրենի հորդորը նրան ուժ ու վստահություն էր ներշնչել, եւ նա, ի վերջո, համաձայնել էր, բնականաբար, արդարացրել սիրելի տնօրենի հույսերը, գրավել մրցույթի առաջին հորիզոնականը եւ ստացել լավագույն մրցանակը:

Այդ իրադարձությունը կտրուկ փոխեց Թագուհու նախընտրած բժշկի ուղին: Մեր զրույցի ընթացքում պարզվեց, որ հիանալի տիրապետում է վրացերեն, գերմաներեն, անգլերեն լեզուներին, բնական է, նաեւ իր մայրենի լեզվին, քանի որ ավարտել է Դամալայի հայ-

կական դպրոցը: Թագուհին բազմակողմանի զարգացած եւ կարդացած է, հատկապես հետաքրքրվում է գիտությամբ, քաղաքականությամբ ու նույնիսկ չի բացառում բուհն ավարտելուց հետո, քաղաքական գործչի ճանապարհն ընտրել: Հարցնում են նրան, իսկ ով է, օրինակ, պատմությանը հայտնի վրացի գործիչներից այն մեկը, ում կուզեք նմանվել, պատասխանում է, որ՝ Թամար Թագուհին: «Ճիշտ է, Թամար Թագուհի երբեք չեն դառնա, բայց հուսով եմ, իմ կյանքի ընթացքում նրա թողած քաղաքական գործելակերպը նորովի կբարձրացնեմ»: Հետաքրքրությունս ավելի մեծացավ եւ աստիճանաբար խորացա նրա իմացության աշխարհը: Պարզվեց, բավականին ծանոթ է վրաց հանճարեղ մտածողների գործերին՝ Մեծն Շոթա Ռուստավելուն, Իլիա ճավաձեին, Ակակի Շերեթելուն եւ այլոց:

Թագուհի Սահակյանն արդեն Թբիլիսիի Իվանե Ջավախիշվիլու անվան պետական համալսարանի միջազգային հարաբերությունների բաժնի առաջին կուրսի ուսանողուհի է: Նա իր ապագան պատկերացնում է որպես դիվանագետ, եւ ինչպես ինքը նշեց, ցանկանում է վրացական քաղաքականության ու դիվանագիտության մեջ իր հետքը թողնել, այսինքն, ինքն էլ իր լուսնանց գործընկեր Եվրոպական չափանիշներին վրաց հասարակության ինտեգրման գործընթացում:

Իմ վերջին հարցին, թե ում է պարտական իր հաջողությունների մեջ, դատել կաթին Արեստակյանին, թե տնօրեն Նելլի Դուդուկչյանին, երախտապարտ աղջիկը պատասխանում է. «Իմ բոլոր ուսուցիչներին, քանի որ իմ կյանքի ու նպատակների ձեւավորման հիմքում նրանցից ամեն մեկը մի-մի մասնիկ է ներդրել»:

Թագուհին ու նրա մանկները պետք է լինեն մեր մշտական ուշադրության կենտրոնում: Այսպիսի երիտասարդները մեր ապագան են:

Մեզ անհրաժեշտ է ուսյալ ու կրթյալ հասարակություն, որովհետեւ յուրաքանչյուր չարիք հնարավոր է արմատախիլ անել միայն այդ ճանապարհով: Մարդու, նրա անհատական, հասարակական ու քաղաքական կյանքի ձեւերի, նրա հոգու եւ մարմնի արատների ու առաքինությունների մասին յուրաքանչյուր գիտելիք պետք է ծառայի աշխարհի բարելավմանն ու մաքրմանը:

Ուստի այդ ճշմարիտ գիտելիքին մոտենալը ոչ միայն նպատակ է ճշմարտությանը հասնելու համար, այլեւ բանական ու առաքինի կյանքի ձգտող յուրաքանչյուր մարդու կենսական պարտքն է: Տոդեստ ավարտեմ հույն մեծ մտածող Սոկրատեսի խոսքերով՝ «Ճանաչիր ինքդ քեզ»:

Հաջողությունների անսպառ տարափ քեզ, սիրելի Թագուհի: Հատկապես մենք՝ դամալացիներս անասելի երջանիկ ու հպարտ կլինենք, երբ տեսնենք քեզ մեր արժանի զավակների փաղանգում: Գործիք հանում քո սիրելի Վրաստանի ու նաեւ վրաց-հայկական հարաբերությունների:

ԲԱԳՐԱՏ ՂԱԶԱՐՅԱՆ

Հոգեբանական գիտությունների դոկտոր
Գ.Համալա, Ասպինձայի մունիցիպալիտետ